

Notat

Dato: 23.01.2019
Arkivsak: 2015/1434-729
Saksbehandlar: marrods

Til: Fellesnemnda - arbeidsutvalet

Frå: Rune Haugsdal , prosjektleiar

Nye Vestland fylkeskommune møter kommunane - møtedatoar og invitasjon

Fellesnemnda sitt arbeidsutval (FN-AU) har fått ansvar for å førebu kunnskapsgrunnlag for ny regional planstrategi 2020-2024. Det formelle arbeidet med sjølvje planstrategien startar i nyvald fylkesting for Vestland. Kunnskapsgrunnlaget er samstundes eit viktig underlag for å utvikle ein felles plattform for den nye fylkeskommunen. Kunnskapsgrunnlaget vil bestå av eit samla statistikkgrunnlag for det nye fylket og ei oppsummering av viktige utfordringar for fylket.

Statistikkgrunnlaget er ferdigstilt og kan lesast på www.vlfk.no.

For å få fram utfordringane er det gjennomført ei spørreundersøking og det vil bli halde regionale dialogmøte. I tillegg vil det bli innhenta innspel frå statleg hald og fageiningar i fylkeskommunen.

Spørreundersøkinga er sendt til ordførarar, rådmenn, kommunalsjefar, folkehelsekoordinatorar og ungdomsrepresentantar samt leiarar for næringsverksemdar, om lag 700 respondentar. Undersøkinga vil avsluttast 28.januar og resultatane vil bli presentert på dei regionale samlingane.

Dialogmøtene vil bli halde om ettermiddagen mellom klokka 1700-2000 og vera opne for alle. Møtedatoane for dei siste møta er blitt endra sidan førre melding til FN-AU frå 22.mars til 26.mars og frå 3.mai til 29.april for å unngå fredag som møtedag.

Møtedatoane er no:

Stad/tid/regionråd

Bergen, 4.februar 2019
Regionrådet Vest
Div.kommunar i Bergensalliansen

Kommunar

Bergen, Askøy, Fjell, Øygarden, Sund, Os,
Fusa, Samnanger, Vaksdal

Voss, 6.februar 2019
Hardangerrådet
Sogn regionråd
Voss kommune

Lærdal, Årdal, Aurland, Luster, Sogndal,
 Leikanger, Balestrand, Vik, Høyanger, Voss,
 Granvin, Ulvik, Eidfjord, Ullensvang, Odda,
 Jondal, Kvam

Gulen, 7.februar 2019
Regionrådet Nordhordland
HAFS

Hyllestad, Solund, Askvoll, Fjaler,
 Austrheim, Fedje, Gulen, Masfjorden,
 Modalen, Radøy, Lindås, Meland, Osterøy

Førde, 26.mars 2019
Samarbeidsforum i Sunnfjord (SiS)
Nordfjorderådet

Selje, Eid, Vågsøy, Flora, Bremanger, Stryn,
 Gloppen, Gaular, Førde, Jølster, Naustdal

Leirvik, 29.april 2019
Samarbeidsrådet for Sunnhordland

Sveio, Bømlo, Etne, Austevoll, Stord, Fitjar,
 Tysnes, Kvinnherad

Osterøy kommune har meldt at dei vil delta på møtet saman med Nordhordlandskommunane. Vaksdal kommune har meldt at dei vil delta på møtet på Voss grunna kollisjon med formannskapsmøte.

Regionråda har vore kontaktorgan for tilretteleggjinga av møta. Kommunane er informert om møte gjennom eige brev og informasjon gjennom regionråda. Det er sendt direkte invitasjon til kommunane sentralt og til underavdelingar og ulike funksjonar. Verksemdene og næringsorganisasjonane som har delteke i spørreundersøkinga har fått invitasjon direkte. I tillegg er det sendt direkte til ei rekkje organ innan næring, kultur, til frivillig sektor og til offentleg forvaltning. Til saman vil rundt 1000 adressatar få invitasjonen direkte.

Invitasjonen fylgjer dette notatet.

I tillegg er det informert om dialogmøta på nettsidene til HFK og i sosiale medium ved fleire høve. Møta vil bli kunngjort i lokalaviser, både papiravis og nettavis i forkant av møta. Kommunikasjonseiningane i kommunane og lokalavisredaksjonane og andre medium vil bli direkte kontakta med sikte på formidling.

Fylkestinga vil få informasjon gjennom ein e-post direkte til medlemene.

Det er ynskjeleg at kommune- og fylkespolitikarar deltek på møta.



No kan du påverke vegvalet for nye Vestland fylke



Fellesnemnda for nye Vestland fylkeskommune ved arbeidsutvalet inviterer til fem opne dialogmøte.

- 4. februar – Bergen, Amalie Skram vgs, møterom Hans Tank
- 6. februar – Voss, Voss vgs, Skulstadmoen, auditoriet
- 7. februar – Gulen, Sløvåg, Vidsyn hotell
- 26. mars – Førde, Øyrane vgs
- 29. april – Leirvik, Stord vgs, Saghaugen, konsertsalen

[Sjå arrangementa på Facebook](#)

Tid for alle møta: Kl. 17.00 - ca 20.00. Kaffi og ein matbit frå 16.30.

Fellesnemnda sitt arbeidsutval (FN-AU) førebur no nye Vestland fylkeskommune. Arbeidsutvalet inviterer til fem opne møte om viktige vegval for Vestland fylke. Føremålet med møta er å få fram kunnskap og innblikk i utfordringar i ulike delar av det nye fylket, som rører ved Vestland fylkeskommune si rolle som tenesteleverandør og samfunnsutviklar.

Agenda er lik for alle møta:

- Fylkesordførarane Anne Gine Hestetun og Jenny Følling presenterer visjonane for den nye regionen.
- Orientering om korleis den nye fylkeskommunen vil bli organisert ved framtidig rådmann Rune Haugsdal.
- Vi vil få presentert fakta om utviklingstrekk i regionen og resultat av spørreundersøking om utfordringar.
- Frå lokalt hald kjem det innlegg med innspel om kva som er dei viktigaste tema for felles satsingar framover frå representantar frå kommunane, næringslivet, lag og organisasjonar.
- Viktigast er at alle kan koma med innspel om kva dei meiner bør prioriterast i ein utviklingsstrategi for fylket (regional planstrategi 2020-2024).

Målgruppa er alle som har synspunkt på kva som bør vera satsingsområde i det nye fylket.

Meir om dialogmøta og oppdateringar om nye Vestland fylkeskommune finn de på nettsida www.vlfk.no


Det krevst ingen påmelding. Del gjerne invitasjonen med alle som du meiner ynskjer å bidra!

Vi ser fram til ein open og konstruktiv dialog med folk med meiningar og ambisjonar for det nye fylket!

Les nyheitsaka "[Splitter nye funn om utviklinga i Vestland-området](#)".

Venleg helsing


Anne Gine Hestetun
Fylkesordfører i Hordaland


Jenny Følling
Fylkesordfører i Sogn og Fjordane